

Bosna i Hercegovina
Ministarstvo odbrane/obrane



Босна и Херцеговина
Министарство одбране

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

Broj: 04- 50-1995-1 /10
Sarajevo, 23.04.2010. godine

2/2-50-1
29.04/10.

| | | | |
|------------------------|-----------------------|------------|--------------|
| PRIMLJENO: 29.04.10. | | | |
| Organizaciona jedinica | Klasifikaciona oznaka | Redni broj | Broj priloga |
| 01-50-1-15-74/10 | | | |

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM

PREDMET: *Odgovor na poslaničko pitanje poslanika Denisa Bećirovića*

VEZA: Vaš akt, broj: 01/a-50-1-15-74/10 od 30.03.2010.godine

Aktom iz veze Predstavnički dom Parlamentarne skupštine Bosne i Hercegovine tražio je od ministra odbrane Bosne i Hercegovine odgovor na pitanje poslanika Denisa Bećirovića, postavljenom na 74. sjednici Predstavničkog doma održanoj 24. marta 2010. godine, i to:

1. “Šta ste konkretno učinili s ciljem realizacije ciljeva sadržanih u “Građanskoj platformi za izbore 2006.godine” u periodu od 01.januara 2007.godine do 20.marta 2010.godine?”

U skladu sa članom 155. stav 3. Poslovnika Predstavničkog doma („Službeni glasnik BiH“, br. 33/06, 41/06, 81/06, 91/06, 91/07 i 87/09), odgovor na postavljeno pitanje dostavljamo u pisanoj formi u prilogu akta.

S poštovanjem,

Prilog: kao u tekstu

Dostavljeno:

- naslovu
- a/a

MINISTAR
dr. Selmo Cikotić

ODGOVOR NA POSLANIČKO PITANJE

Odlukom Predsjedništva Bosne i Hercegovine o veličini, strukturi i lokacijama Oružanih snaga Bosne i Hercegovine, broj: 01-011-1110-6/06 od 05.07.2006 godine i odlukama o izmjenama i dopunama iste, broj: 06-011-69-61/08 od 17.01.2008. godine i broj: 05-11-618-6/08 od 18.03.2008. godine, utvrđeni su veličina, struktura, razmještaj i nacionalna zastupljenost Oružanih snaga Bosne i Hercegovine. Odlukama je predviđena popuna institucija odbrane Bosne i Hercegovine prema sljedećem: 10.000 profesionalnih vojnih lica, 1.000 civila i 5.000 pripadnika rezervnog sastava. Pored preuzimanja personala iz prijašnjih entiteskih ministarstava odbrane i vojski, postizanje navedene personalne strukture zahtjevalo je prijem novog personala u institucije odbrane Bosne i Hercegovine.

U periodu od 01.01.2007. godine do 20.03.2010.godine u institucije odbrane primljeno je ukupno 1.285 lica, od čega 19 državnih službenika, 6 zaposlenika, 139 civilnih lica i 1.121 vojnika. U istom periodu, radni odnos po svim osnovama prestao je za 1.184 lica, od čega 15 državnih službenika, 63 zaposlenika, 3 civilna lica i 1.103 vojnika. Upoređujući broj lica kojima je prestao radni odnos i broj primljenih lica, vidljivo je da je u institucijama odbrane novozposleno 101 lice. Najveći broj lica primljenih u profesionalnu vojnu službu je starosti do 25 godina života, čime se je pružena podrška zapošljavanju mladih.

Uz pomoć NATO, Međunarodne organizacije za migracije i partnera iz međunarodne zajednice, dizajniran je NATO/PfP Trust Fund za Bosnu i Hercegovinu kao poseban program zbrinjavanja prekobrojnog personala institucija odbrane. Ministarstvo odbrane Bosne i Hercegovine je u okviru navedenog fonda poduzelo značajne aktivnosti. U dosadašnjem periodu, novčana ili druga pomoć pružena je za 2.860 lica kojima je prestao radni angažman u periodu 2004. - 2009. godina. Pomoć se odnosila na podršku projektima iz oblasti poljoprivrede, pokretanja biznisa i proširenje postojećeg biznisa, te na podršku u edukaciji i zapošljavanju. NATO/PfP Trus Fund okončan je 30.09.2009. godine, a trenutno su u toku aktivnosti na iznalaženju partnera iz međunarodne zajednice za uspostavu novog fonda iste namjene.

Imajući u vidu navedeno, cijenimo da je Ministarstvo odbrane Bosne i Hercegovine, u skladu sa svojim nadležnostima i mogućnostima, realiziralo aktivnosti koje su u funkciji ostvarenja ciljeva "Građanske platforme za izbore 2006. godine".